

現行西方經





現行西方經

海東永州公山居祖社道人元昌錄

佛說阿彌陀本心微妙真言

怛徧也

合

他唵哩

合

多羅波嚩訶

訶

다나타. 음이다. 라. 와 하

妙塔勝進經云若有人誦此呪一遍得八十億劫念阿彌

陀佛功德誦七遍得十六名芥子數念阿彌陀佛功

德誦一百八遍得一千六十名芥子數念阿彌陀佛

功德誦一千八十遍得一萬一千名芥子數念阿彌

陀佛功德一日向西專念此呪一萬遍彼佛現身摩

下儀軌與佛時即得青蓮花生分身散體十方國土



法正法佛語不虛凡得見聞莫生疑謗

德二年戊戌歲正月初八日貧道獨坐法堂中誦此呪一萬遍迴向之時夜半有一僧不知何許人忽入法堂云我名樂西若有人勸善心四衆同誦此呪一萬遍然後擲柱知後世受生善惡之處元昆問其故西頌云南無阿彌陀佛本心微妙真言才聞於耳即往生與諸聖衆同遊戲如來大智福德海一時分付誦持者此頌四十字名各書四十柱唯佛字疊書兩柱為四十一柱置淨器中會中上師出跪佛像前奉柱器專心擲淨席中如觀音占或柱背而無文者



皆去之向而有文者皆拾之復置淨器中更擲之至得有  
文一柱為限擲之得字則見字下經文知受生之處會中之  
人次第擲之畢擲之後隨出柱四十一處善惡高下之次  
坐之兩佛字之法有之表無量壽法化三身擲柱之時若一  
擲若二擲乃至終決之中諸柱皆背之佛字兩現則為佛  
位也一佛字現則為上品上生或諸柱皆背之隨字現則  
為上品中生或諸柱皆背之彌字現則為上品下生也他  
皆例此而知之唯佛字疊用異於他柱一會之中四番精  
也周之番同誦此呪一萬遍坐後擲柱隨出柱之次坐之  
下儀軌與他呪二千徧然後擲柱亦隨次坐之第三番誦



百遍然後擲柱如前隨次而坐之第四番誦此  
之界至此四番為人天與地獄諸趣不出之輩誦此呪五  
百遍然後令諸趣之人擲柱往淨土之人不擲柱但發願云  
諸趣之人皆生淨土畢會之後定次第之坐受食又第一  
番擲柱之中若有人至將決之時若三柱若兩柱或三度  
搖向或三度搖背或三度背向交現如是不決則當如是  
入大海死屍須點道場門外當第二番精進之時後未隨  
衆此三度不決者是空行念者不如得地獄位者雖得南  
字已蒙佛之大慈何也佛令彼知過必改故也此空行念者



不到佛慈未決生處可憐憫者也或有人得無心三昧誦  
此呪者得不決若起大用則得大矣若第一番占位之人  
至後番得不決者亦不是空念者不可默也仍坐前得之  
位然則不決有三種一者空念二者無心三者仍位也呂  
問云第一番生淨之人至第二番擲柱之時還退諸趣如  
何決坐西云西方之炁有進無退然則至後番擲柱之時  
先番生淨土之輩不擲四十一雜別擲淨土十一之柱用  
進者不用退者淨土柱者自佛位至宮殿受生為十一柱  
也周廷不用退也者如得佛字者不得妙覺之位還得中  
下儀軌與利直仍佛字上品上生之位不可退坐中下品



之  
他皆例此而知之唯得佛二字者不可再擲也如  
云佛不應更作佛出云若一位之中人多出之坐次如何  
西云若一番之內得佛字者多出以世間位次本坐決之  
當後番得佛字者雖尊長之人從先番得佛字人之末坐  
之他皆例此然則一位之中之坐隨番如是而決之諸位  
之坐不可移易既曰現行西方會以世間貴賤之坐移易  
而坐則非也雖君臣父子奴主從出柱之次坐之此無高  
下之心是弥陀之本懷亦十方佛之妙處也行現行會者  
勿論貴賤老少男女僧俗要望隨衆者皆許之雖我奴婢  
得上位者推而上之合掌云吾不如汝慎莫生貴賤彼我



之念當此之時三十六萬億一十一萬九千五百同名同  
號阿彌陀佛無盡福德悉與現行會衆十方佛跪會衆前  
同聲讚云阿彌陀佛赤子輩登空門及第咸烈於七寶樹  
下洗昏於八功德水各以衣祴盛衆妙花供養他方十萬  
億佛三界之內誰能及之佛所讚歎之事莫以戲事亂擲  
聚頭而笑夫蚊蚋之肩不任大山鰕鰂之腹豈入洪溟薄  
福多障之人所不能行也且云淨土之法有進無退若第  
一番得天宮與國王之位者至後者得下位則如何决坐  
西云諸趣則輪迴之事隨番或上或下然矣且云擲柱之  
時儀軌如何西云會中勿論僧俗擇文字者定說意者



又擇有識人定揀柱者精勤之後二者會坐佛前令行者  
擲柱揀柱者拾背柱去之恰向柱置器中與行者行者更  
擲之得字則說意者說字下經文生淨土者讚歎其德生  
惡趣者說其過令他懺悔畢出諸人之後二者自擲柱而  
知隨次而坐當後番之時二者如前行之呂云約幾日精  
勤西云若一日若一夜隨其會眾之多小定其日時呂云  
起始法席之時梵軌如何西云若僧俗交會寺院則香火  
供養立昌表白受一日八戒然後誦呪若俗人純集俗家無  
僧則直誦此呪此法行處一切諸厄不入其處七寶樹影  
青蓮花色頓現虛空一日之內成就淨業我見是利故



來勸洪或有魔事起而即滅。云法會重復之時誓願如  
何行之。西云第一番為法界水陸亡魂精進。第二番為國  
主精進。第三番為七世父母師長精進。第四番為會內不  
登淨土之衆精進。第一為水陸亡魂者。夫出世之人不為  
自己而作善根。念衆生之苦。則自果速成。故經云。因於大  
悲生菩提心。因菩提心成等正覺。又慈悲懺法。最初禮佛。  
為十方世界水陸衆生歸依。三寶第二為國王者。經言。亦  
若無國王。一切衆生無所依附。由大王故。一切得便行。國王  
地飲國王水。諸餘利益不可具說。第三為父母師長者。經  
云。天下之恩莫過父母。又經云。善知識者莫過師長。父母

雖復生育不能遠離惡趣師長大悲恒使修善速離生死  
故也其中若俗若女莫言我等在俗無師長之恩何以故  
前世遇善知識聞修十善故今得人身故經偈云諸佛及  
菩薩不出於世間無有一衆生而能得安樂第四為會中  
之人者經云從無始生來或生天上或生人間受朋友之  
恩無窮須禮佛報恩故發願云此會之衆前世同修善心  
不為父母兄弟故今日相勸同參勝事我等先登淨土彼  
等不難諸趣事可哀也仰承阿彌陀誓願同乞鴻恩願同  
生淨土此心發時自果速成矣云若國王衆此會得下  
位從其坐則違於世間耳目不從坐則違於現行之法如



何決之西云自古聖君拜毘為師茲而群臣交坐儲福世史  
多記之以為盛事若有明君一行此會則今世延命滅厄  
刀兵飢饉疾病不入國內庶民和富後世雖犯重罪不離  
淨土若國王雖不親行請緇流誠心供養一日一夜宮中  
行之普勸國內之人及與隣國則現世得壽長久之報而  
況親行者乎若懶人生難行之想被尊長之請不得已而  
入於會中忽起勇猛心則即蒙如來加持之力不知日之  
暮之夜之曉之精進無倦試一番則生淨土者踊躍而喜  
得趣者雖不見貧賤子之寶珠亦如見冥王之業鏡勇猛精  
進如救頭然則令末法懈怠放逸之人懺悔業障勇猛精

進莫過此法得道者若上若下怡然無他但以利他為樂  
魔外種族自恃豪貴亦譽己身云我不作罪已得道也今  
得惡趣此法非真法也彼俗人與女人本不作善今乃反  
得一二佛字故云非真法也令他生疑或至後番而不隨  
眾得破和合罪死入地獄見如是人勸化云經言六天之  
主墮在地獄畜生之賤起登道場若以修外相論之善星  
比丘誦十二部經戒行清淨我慢之故生陷地獄如經所  
說善惡果報豈在已前善與不善耶根性勇劣豈在男女  
人畜耶此呪之法但取當時前後際斷一念相應故經言  
念一遍得八十億劫念阿彌陀佛功德此呪一遍之念不



是你空過一念此一萬之遍不是你鼓虛之誦也故云千  
念萬念不如一念非但你不<sub>レ</sub>得有眼之人來衆若滅餘念  
即落業因如是而化若不<sub>レ</sub>伏之慎莫<sub>レ</sub>恠之何也佛佛出世  
逆順之魔隨出而毀之者如恒河沙故云若不<sub>レ</sub>毀者非是  
大善如桐華寺真柱弥勒佛之指骨或有欺之而墮惡道  
者多矣然則莫<sub>レ</sub>為毀者而生退心經言不<sub>レ</sub>為惡者而生退  
沒<sub>レ</sub>如皎日不<sub>レ</sub>為無目而隱光明品云和尚從何得此法  
來西云西天國盛行此法佛滅度後四百年有一法師名  
曰加連陀誦此呪得大神通哀念衆生不信因果承佛神  
力作此法令四衆知前世今世所作因果冥王現身讚歎

云糞我一分業鏡法師住世三百五十年被神化生淨土  
不可勝數也法師滅後門徒密傳此法各化一方魔種知  
之飲酒之場行之定坐次為戲之至此土唐袁州仰山慧  
寂禪師出世說法之時西天梵僧輩便來座下一日有一  
禪客仰山路上逢一梵僧問云西天有何奇特事僧云南  
無阿彌陀佛本心微妙真言云云此頌書札木擲知因果  
永生淨土若不踏佛祖正脉者依此修行萬不失一三界  
之內無過此法僧登空而去禪客茫然不知故不載僧史  
但口傳於世彼此相傳耳札木者今之牲也其後知人衆  
之誤謂札木者輪奐輪木六面以書南無阿彌陀佛六字



作成佛圖至今為戲可笑也。出云西天現行訣諸趣名目而此如何。西云西天隨方諸趣之名各異者不出五六處也。隨方作業之事各異故撰集經文者不一。我亦為汝集諸經散文說四十一位。汝隨位問之。出云吾雖不敏敢違嚴命。

佛佛

妙覺位

西云得二佛字者。縛地位中。頓登

佛地之應也。更不再擲也。出云如何。誦持頓登佛地。西云廣說則有無盡方便。略說則有四種方便。一者以定惠力誦之。念念不失。次第念念。體定慧圓明如是之念。至於一萬遍。十方佛剎。頓現毫端。無量壽佛放百寶光明。說此



呪功德但說衆生本心妙體故楞嚴經云十二類生本覺  
妙明覺圓心體與十方佛無二無別品云一萬遍之念是究  
竟成佛否西云信位初分也故經云初信因中契諸佛果  
德分毫不謬方成信位二者以統一之念誦之繫心一處  
前後際斷至於一萬遍則心地明朗表裏洞透三者以徑  
截門誦之當念念之時眼徹金剛際下忽然才破一念徹  
見諸佛心肝故云莫輕未悟一念迴機便同本得四者以  
無心門誦之念念放下能所俱空至於一萬遍則自然得  
入清淨心體品云如上所說非吾所能也願和尚為如我  
等下劣之輩說易行方便西云若人誦此呪一萬遍之時

初結信心至誠雖起以業障濃厚散亂心起或定或散忽得五千純一誠懇之念或得四千之念即亦現二佛字成佛之初因也而非定性小乘之根也故本業經解深密經及大乘論皆說二乘種不生淨土者謂此也此大根之性不揀男女僧俗然則此法易辨根性大小乘之法亦辨迷悟之法亦辨佛魔之法一切得失皆在此法

佛 上品上生

西云若人得一佛字者一日之內超登

此品之應也以此知之此呪功德不可思議觀經佛告帝提希夫人若有衆生發三種心一者至誠心二者深心三者迴向發願復有三種一者慈心不殺具諸戒行二者讀



誦大乘方等經典三者修行六念回向發願者而生此品  
以此經論之末世眾生<sup>五</sup>生此品者稀矣此法不論戒行持  
與不持亦不論大乘經典誦與不誦一日之內成就淨業  
故云不可思議也<sup>五</sup>云何等方便誦之西云若人以至誠  
心誦此咒一萬遍之時無始已來煩惱障念念起之初不  
定心以至誠力忽得三千純一至誠之念則現一佛字生  
此品初因蓮花開之<sup>五</sup>云得一二佛字之人後作惡因不  
失淨業否西云若人得此之後失正念作惡則雖凋折此  
品之蓮不失下品下生之因若一年一變行此法者不失  
上品三位而生<sup>五</sup>

陀

上品中生

西云若人得陀字者生此品之兆

也經言上品中生者不必受持讀誦大乘經典善解義趣

於第一義心不驚動深信因果不謗大乘以此功德回向

生此品經一小劫得無生忍以此論之當世之人不知佛法二

字之叙何劫通第一義諦然則生此品者亦稀矣此呪神力能使

痴人起生此品豈不快哉且云如何誦此呪而生此品西云若人誦

一万遍之時无始已來三業之障心地散乱以至誠之念合鏡得公

加持之力忽得二千純一至誠之念則現陀字之底

弥上品下生

西云若人得弥字者一日之內即生

此品之應也經言亦信因果不謗大乘但發無上道心而



生此品經三小劫住歡喜地今世之人不信因果亦謗佛法但貪名利何劫發無道心人多薄福事可哀也若不遇今日因緣應墮惡道云如何誦持一日之內而生此品西云誦此呪一萬遍之時無始已來三業之障未定散心以懺悔至誠忽得一千全一至誠之念則現彌字之應

阿 中品上生

西云若人得阿字者一日之內超生

此品經云若有衆生受持五戒持八戒齋修行諸戒不造五逆無衆過惡以此功德而生此品蓮花即開今之人不持一戒豈持五戒八戒不造一善何得無衆過惡若不遇今日幾乎虛過一生云如何誦之西云若人誦一萬遍

之時以多生殺生業障散亂心起至誠所感忽得九百純  
一之念則現阿字之應

本 中品中生

西云若人得本字者生此品之兆也

經言若有衆生一日一夜受持八戒齋一日一夜持沙彌  
戒具足戒威儀無缺以此功德生此品經於七日蓮花乃  
開經於半劫已成阿羅漢今之人口不誦五戒之文何處  
持一日八戒耶不具威儀長被善神狂賊惡魔之叱何處  
具威儀也如此之行而望此品遠之遠矣若不遇今日何  
劫結淨業種子云云得幾遍正念而得此品西云若人誦  
一萬遍之時無始已來口業重罪作障不得正念以神呪



功德力忽得八百正念則現本字之應

心

中品下生

西云得心字者超生此品之應也

經言若有善男子善女人孝養父母行世仁義此人命欲終時遇善知識為說阿彌陀佛四十八願聞此事已即生西方經七日遇觀世音及大勢至聞法歡喜過一小劫成阿羅漢今世男女不孝父母不行仁義雖遇善知識何以故而況五濁惡世諸聖遠去豈期善知識來教耶今日之事正遇善知識出云如何正念誦之西云若人誦一萬遍之時以無始已來貪嗔癡意業之障心如飲酒不得正念至誠所感忽得七百正念功德則現心字之應

微

下品上生

西云得微字者生此品之應也經

言或有衆生惡業無有慚愧臨終時遇善知識為讀大乘  
經名字以聞經名故除千劫重業復教稱南無阿彌陀佛  
稱佛名故除五十億劫生死之罪尔時佛即遣化佛來迎  
行者乘寶蓮花生寶池中經七七日蓮花乃開經十小  
劫入初地今日道場行者不作衆惡雖有小過即有慚愧  
故不待臨終遇善友身心平安之時行此法已可謂具足  
功德大丈夫也且云得幾遍正念而生此品西云若人誦  
此呪一萬遍之時以無始已來殺盜淫身業之障念念罪  
滅此呪功德之熏除一千億劫生死之罪忽得六百正念



功德則現微字之應

妙

下品中生

西云得妙字者生此品之應也經

言毀犯五戒八戒具足戒如是愚人偷僧祇物無有慚愧  
以諸惡法而自莊嚴應墮地獄命欲終時遇善知識為說  
阿彌陀十力威德廣讚彼佛光明神力此人聞已除八十  
億劫生死之罪地獄火滅化為涼風化佛菩薩迎接此人  
即得往生七寶池中蓮花之內經於六劫蓮花乃開今日  
行者豈不快哉被慚愧服不作諸惡不待生脫龜殼之時  
同衆勝事一日之內成就淨業十方佛摩頂云善哉善哉  
大丈夫也フミヤク云如何得正念相應西云若人誦一萬遍之

時無始已來十惡業障亂於本心念念不定此咒遍遍熏磨惡業除三千億劫生死之罪忽得五百正念功德則現妙字之應

真

下品下生

西云得真字者生此品之應也經

言或有衆生五逆十惡具諸不善如此愚人以惡業故墮惡道多劫受苦臨命終時遇善知識種種安慰為說妙法教令念佛彼人苦逼不能念佛善知識告言汝若不能念佛只念阿彌陀佛十聲念念中除八十億劫生死之罪生此品滿十二大劫蓮花方開今日行者不待風刀解身之時已成踏蓮報可謂大福德之人出云得幾遍正念生此品



西云若人誦一万遍之時無始已來十惡五逆重罪之障亂念以至誠心而神呪威神大力除五千億劫生死之罪忽得四百正念則現真字之應

言

宮殿受生

西云得言字者此位之應也

聲王經云若有四衆能正受持彼佛名號以此功德臨欲終時阿彌陀佛生此人所令其得見見已心生慶悅培增功德以是因緣所生之處永難胞胎舉此經論之生淨土者不假胞胎之因而此宮殿之人雖曰胞胎之因永出三界樂同叨利天經言若有衆生願生淨土起情念佛者命終而生此位今日行者覓地獄業成樂處業真可善也

毘云得幾遍正念而生此位言西云若人誦此呪一萬遍之時無始已來五逆十惡之罪又隨在地獄受苦失性之業又念愈殷暗不得正念以阿彌陀佛本誓又力與神呪之熏除八十億望死之罪忽得二百正念功德則現言字之應又毘云若人誦一萬遍之時揀去亂念唯取正念功德何故亂念之遍能減八十億劫之罪然後得二百正念耶又雖亂念有如是功德豈不聞阿之一字粘俱縛波羅門骨上蓮花生地獄中故云凡有真言皆不可思議功德也又毘云下品三位及此位生者何故讚歎耶西云接下根之法也又

才

諸天位

西云得才字者生諸天之應也又業報



經云奉施衣服者得十種功德命終生天又經云布施貧  
窮者得生天上楞嚴經云彼諸天生者皆正因說之然未  
免輪迴故佛告阿難是諸天上各各天人即是凡夫業果  
酬答且云誦此呪者決定生淨土何故得諸天之報西云  
計此人念呪功德乃准生天之福故也更加精進超生淨  
土不精進則還墮惡趣且云生彌勒天宮者與淨土生者  
優劣如何西云無優無劣然莫如淨土永內兜率者著惠  
小福多則不生內院而生外院輪迴生死生淨土不退故  
莫如淨土且云得幾遍正念而成天福西云生諸趣者皆  
是乱念之中優劣也功德雖成暫有即無何以計之

聞

長壽天

西云得聞字者生此天之應也普

耀經言世尊生淨飯王宮年十九踰城出家至檀特山中  
修道始於阿藍迦藍處三年學不用處定知非便捨又至  
象頭山同諸外道日食麻麥摧伏諸外道先試邪法捨諸  
異見又經言八萬四千魔王種族同發誓願佛滅之後我  
等作比丘形入比丘門食比丘食破滅比丘法行我法宣  
說不用處定然則今之他方比丘著俗人衣食肉婬妻片  
無疑畏飲酒喫葱騎馬佩刀市裏狂馳或為人說法云身  
無住處食何辨物於酒於肉不生心念但喫而已身即有  
滅性則不滅宜行布施後生長壽天不受生死之苦如是



說法愚癡人等信受奉行布施功德迴向發願生此天者  
報盡入無間地獄不可勝數夫食肉婬妻人之樂事然佛  
戒嚴猛罪令甚重剃髮之人不犯戒行經有食肉之文不  
是徒養口腹今之比丘以食肉飲酒誘人誰不樂從云云  
誦此呪者如何得此報西云行者於前世聞異種人言信  
受同願故也云云行正法人如何得此也西云行者前世  
入順魔之徒行一正法云此法之外他法非法毀佛密傳  
之法現得癩病死入地獄罪畢以布施功德生入道雖迴  
心作善成此天之報佛愍之先示此報更進清土不進還  
得此報或退諸趣云

於仙趣

西云得於字者生仙趣之兆也

嚴經言別修妄念存想固形遊於山林人不及處有十  
種仙服餌不休食道圓成名地行仙藥道圓成名飛行仙  
化道圓成名遊行仙氣精圓成名空行仙潤德圓成名天  
行仙吸呼圓成名通行仙術法圓成名道行仙思億圓成  
名矧行仙感應圓成名精行仙覺悟圓成名絕行仙等皆  
於得壽千萬歲報盡散入諸趣昆云如何誦此呪者得仙  
趣耶西云行者於往劫好行仙術不行佛事念念散亂故  
也或有衆生無始已來不聞佛藥名字只學魔藥毀佛  
密得惡病以魔藥理之而不得死入地獄罪畢以布



施功德得人道誦呪不合佛境佛慈之先示前因更進生  
淨土出云願為理世君臣及餘行此法四衆說佛藥方法  
西云雞犬聲不到處赤松皮以湯水燻之去其液曝乾搗  
羅為末量四斗分半二斗別置他器真麥末六升作薄  
粥以清蜜六鉢和粥又以鉢量之分半和松皮二斗作  
餅如錢臨餅入火性遍滿法界觀誦此呪一百遍其藥  
名曰陽雞候又以二斗末如前作餅入水性遍滿法界  
觀誦呪如初其藥名陰付子畢作之後以秤秤之則陽  
溪候小重味亦稍異都名曰法身液朝晝夕三時一時  
服五餅陽陰之餅云日而食藥盡則如前作之而服切

忌欲事又忌葷醬唯食淨味則三年身中諸病頓除十年  
肉身登空十方佛剎遊戲自在還入人間說法度生得金  
剛壽畧云為世間之人說易行方法西云不分陰陽雖不  
臨呪都作餅不忌諸事之人不痢三時服則身中無諸病  
只得三百五十年命此法不與惡人教學惡人不如忍亡  
耳

轉輪王

西云得耳字者生此位之兆也

蓮花色比丘尼經言佛在忉利天為母說法下來閻浮尼  
作念云我是尼身不先見佛願作金輪王千子圍繞窻初  
見佛果滿其願佛呵尼以此論之金輪王先見佛福紹威  
德果報殊勝不可具說尼雖證果萬分不及一也今日行



者一日之內得此果報當知雖以散亂心憶口誦持功德如是哉。且云經言轉輪王報盡作牛領虫神呪功德不上此也。西云世間勝報隨念起滅不可定也。更加精進生淨土不精進則退於惡道。

即

國王

西云若人得即字者生此位之應也。

慈悲懺法言為人豪貴國王從禮事三寶中來以此論之作國王來者禮佛禮法禮僧得之也。仁王經佛讚波斯匿王問法為說汝於龍光佛法中曾問此義然則國王之位從禮事三寶中來明矣。且云此人不生淨土而生此位何也。西云若要行此法莫如作國王位故經言佛法付囑國

王若一世乘願而來廣化衆生則速登妙覺矣若不乘願則被色欲所牽還墮惡道示

往

入山

西云得往字者入山之應也家勝

妙定經云有人造種種寺塔其數無邊不如於暫時間端心靜慮又諸部大乘經典中說無生之理遣入修道學惠然則君不入山如何靜心生上品上生耶今日行者雖不起生淨土入山則淨業已成矣出云佛名經云若人要入山無所用心入地獄者如春雪落空如是則入山無功西云輪回之報隨人定之更加精進而生淨土不精進則還墮惡道示



生

# 出家

西云得生字者出家之應也涅槃經

云若能觀三寶常住同真諦此是諸佛最上之誓願又經云出家之法猶如虛空然則若不出家何以觀同真諦也亦何以立虛空也以無為出家僧之行也長誦此呪以觀真諦上報仁恩若有為僧則橫馳世間虛過一生雖得生字還入惡道可笑也且云如佛所說且無疑處

與

# 大富貴

西云得與字者大富貴之應也

維摩經云娑婆國土有十事善法諸餘佛土之所無有謂以布施貧窮等故慈悲懺法云為人大富貴從布施中來今日行者蒙神呪力得大自在榮光滿世可讚也且云此

人成就出世之福耶西云隨人定之若成出世福則得淨  
土之位但感世福則還退惡趣

諸

中善品

西云得諸字者生中善品之應

也慈悲懺法云因果累劫音感應相生業行不純善惡迭  
用報有精麤或貴或賤或善或惡其事匪一叅老萬品今  
日行者不善不惡得其中善之品亦足矣然萬品叅老不  
屬貴賤之類高下多岐若以入道之門論之用功皆如是  
也若實行中善行李者可謂善知識經言心不至善心不  
至惡行於世間心安而吉若昏沉之人還退惡趣出云於  
此說法我無疑慮



聖

州吏

西云得聖字者生州吏之應也慈

悲懺法或為地主及作大臣四鎮方伯州郡令長侵奪  
民物或為宰主令長貪取民物枉繫良善冤訴無所或作  
聚落主奪人飲食飢困一切以是因緣墮於地獄雖獲人  
身樂小苦多枷鎖杻械未嘗離體或今身造惡或過去所  
作免脫無由以此論之州吏之報可嘆也或為下吏因官  
令奪民物者報得如是之罪且云如何免之西云若乘願  
而來弘揚此法者四鎮方伯上吏之權亦人矣此人當淨土  
但感世福而得州吏者不生淨土

衆

百姓

西云得衆字者生百姓之應也懺

法云飲酒者墮沸尿泥梨之中後得人身頑無所知人不  
齒錄又云若人為福之時善心微劣或布施作福後生悔  
惜之心故得下賤之報又經云若僧虔受國王施若人行  
國王令不忠者後為國王民而勞其身毘云我受信施  
不行國王作法之令何生得淨土業西云慎莫生下劣之  
心更加精進當生淨土不精進則還得矣

同

女報

西云得同字者得女報之應也經

云女有五障第一不得作佛以此論之女報之惡良可嘆  
也又月上女經云毘摩羅詰妻名無垢懷妊九月生一  
女子姿容端正其身所著妙寶衣裳出妙光明勝於月



照父母乃婦月上女以此論之雖得女報不難作佛此呢  
功德不棟男女皆得勝報云云若僧若俗得女報者邪淫  
所致僧得女報者經云三寶之地解帶行七步則得女報  
懺悔精進則生淨土不精進則還得女報

遊

寺奴婢

西云得遊字者生寺奴婢之應也

鳴婆塞經云私用三寶物者過殺八萬四千父母之罪又  
經云食三寶果子或食僧物或耕三寶土不納價或棄三  
寶物屬於己或棄三寶奴婢屬於己或依三寶威力資生  
不答其德或作沙門形資生不行沙門行如是等入死入  
地獄後得人身作寺奴婢云云今生不涉如是等之人

得此報者如何西云今生雖不作若推過去業如須彌山  
佛愍此惡業先示此報更加精進生淨土不精進則還得  
此報矣

戲

官奴婢

西云得戲字者生官奴婢之應

也懺法云無慈悲心離平等行中利欺誑侵凌下劣或破  
他城邑抄掠恣奪或偷盜他財以自供給又經云偷官物  
自用因官令奪人財物又經言恣奪民物屬國宝自用復為  
國之奴婢自辱其身又經言一切資用全是國王之恩若  
四衆不念恩者後為下賤而酬其債出云沙門不侵奪民  
物長祝國王之壽如何得此報西云萬事不一豈以一意



決之現報雖淨前業未消前業雖淨現報未消故也。云云  
沙門現報如何。西云沙門虛消官家供養故也。若能精進  
生淨土不精進還退。

如

私奴婢

西云得如字者。生私奴婢之應也。

懺法云為人下使負債不償。故以此論之。私奴婢之報不  
出此語。今世之人喜受人之慧。或以巫卜之事棄人之物。  
或以商賈之事割奪他物。或以勸善之事虛消信施。若僧  
若俗若女若尼之徒。瞪目而來於他物。可嘆也。而况偷人  
之物者哉。經云喜偷盜人後生牛馬。昆云受人之惠不  
報者。受如是報。誦此呪之時受供者能消信施也。西云

雖消今日之施過去之報未消故佛憫之先示此報更加  
精進則生淨土不進則還退

來

郵牛音吏音

西云得來字者生郵吏之應也

彌勒下生說法龍華三會唯除騎馬比丘者不識因果之  
甚也又經言畜生者不言飢餓不言病痛不言被困以眾生  
慈心騎策故死入缺馬地獄罪畢作馬生苦處日夜馳走  
以此論之經言苦處者今之郵亭也昆云生郵亭非但馬也  
人亦勞正生郵亭者何罪所致得此報耶西云若人於前  
世為州吏因官令行國役以非理苦使人馬不義取財者  
死入地獄罪畢生郵亭福多為人福少為畜今作騎畜業



者後生郵亭今不作業者得來字者前業未消故也或沙  
門不消國王之施聚頭而坐論國王大臣是非或受郵吏  
之施虛消者而生此處若人向國王怨恨之者而生此處  
出云如何免之西云

大

邪曲行

西云得大字者生邪曲行之兆

也楞嚴經云口中好說災祥變異今其家資無故耗散  
多行云云至稱善知識又經云或身口不受其事而心增  
毒及至戇笑構起是非不是直心與人從事恒懷諂曲無  
有慚愧或好行妄語見言不見不見言見聞言不聞不聞  
言聞知言不知不知言知以此論之誰免此過出云若不

免過蓮花臺位關無人也西云如得流水之性遇曲遇直  
無彼無此

知

愚癡報

西云得知字者愚痴報之應也

楞嚴經云我滅度後末法之中自言食肉得菩提路又云  
當知是食肉之人縱得心前似摩地皆大羅刹非我弟子如  
是之人相殺相吞相食未已云何是人得出三界又經云  
貪著飯食如彼餓虎耽嗜酒味喜懷嗔毒常習愚痴不受  
人諫自任其力辨諸惡事喜殺衆生凌易孤弱恒憊惡人  
侵暴他界有所宣說言不真要不慈一切起諸惡業若人  
如是不久存世死入地獄又經云乃至起嗔不避親族報



撻衆生唯恐苦毒不深又云甚貪邪妬不信因果好喫五  
辛唯崇神事不信佛法又云由此世界愚鈍輪迴木土金  
石其類充塞云云誦此呪能免此報西云此呪功德使此  
人頗登淨土如點鉄成金更加精進

福

大惡業

西云得福字者生大惡業之應

也經云華光比丘善說法要有弟子恒懷僞慢和尚為說  
都不信受即作是言我大和尚空無智慧但能讚歎虚空  
之事願我後生不復樂見於是弟子墮阿鼻地獄八千億  
劫恒受大苦又觀經云王舍城中有一太子名阿闍世隨  
順調達惡友之教收執父王即執利劍欲害其母又經云

出佛身血毀寺毀塔之人成大惡業隨無間獄又經云佛滅後私用佛油者犯出佛身血罪今之官吏徵三宝之油煮肉而食徵三宝物為國貢摘三宝果物上國主使國主殘福如是等僧俗謂之大惡業之人不待後生現見大敗且云今之沙門常非佛法如華光弟子如何免罪西云此法功德如吃起頑虵一朝成龍更加精進則生淨土不精進則仍此位也

德

多病障

西云得德字者多病障之兆也

懺法云信相菩薩白佛言復有衆生身体頑痺眉鬚墮落舉身烘爛名之癩病以何因緣得此病佛言前世時不信



三宝不孝父母破塔毀寺剥棄道人斫射賢聖背恩三義  
常行狗犬忝汚所尊不避親疏以是因緣故獲斯罪復有  
衆生兩目失明何罪所致佛言以前世時不信罪福障佛  
光明縫暗他目籠閉衆生皮囊盛頭不得所見故獲斯罪  
復有衆生鉄釘釘之釘之既訖自然火起焚燒其身何罪  
所致佛言前世時坐為針師傷人身體不能差病誑他取  
物故獲斯罪又經云者病比丘是我弟子若不看病後得  
病身無人者護或卧聽誦經來得難治之病今生病不難  
身者傷害衆生身體故也且云以何方便免此報也西云  
此法熱惱海中清涼散子更進一步懺悔前業則一切諸

病悉皆消滅登寶蓮臺

海

水族

西云得海字者生水族之兆也

慈悲懺法云為人身體腥臭從魚鼈中來為人喜調戲從  
龍中來又信相菩薩白佛言復有衆生為諸殺卒繫繫其  
身枷拑苦厄不能得脫何罪所致佛言以前世時網捕衆  
生或設陂池擁塞溝渠惱害水性諸餘細虫又經云好  
食魚肉與卵者後生水族更相吞食或侵奪民物者後為  
龍業受種種苦以此論之塞陂池殺水族者事可哀也且  
云世間皆殺水族如何免罪西云一切衆生從無始已來  
相殺相吞誦此呪設大誓願則得大神通得龍自在三佛



化所致水族皆生淨土不精進則還得此報

一

畜生

西云得一字者生畜生之應也

法云貪人之力者後生象中處富貴為人上者鞭杖為下  
告訴無地如是等人死入地獄後生水牛中貫穿鼻口為  
人不淨從猪中來慳貪者從狗中來猥辱者從羊中來輕  
躁者從獼猴中來又經云若不擇齋日不擇親疏行欲或  
驚亡魂之時受信施行欲飲酒或入三室內行欲飲酒或  
受人之恩不報如是等人後為畜生云今世之人父母  
薦亡之時以酒施之業已深之難以解之如何免之西云  
若慍悔精進則畜生之賤超登道場不精進則還得此報

時 虎狼

西云得時字者作虎狼之兆也懺法

云人無慈悲心從需狼中來又云或為大身衆生更相啖  
食又經云若人見禽獸貪生食肉之念或殺害衆生好喫  
生肉或敲骨取髓而食或不順父母之意或貪著飯食或  
常懷疾念不信因果或於眷屬邊不行仁義如是等人死  
入地獄罪畢生需狼中更相啖食相殺不已昆云若以無  
慈悲心及貪物心論之則誰不作虎西云古人云波全是  
水蜂蠆狼貪無非是道更得神呪之力入慈心三昧則頓  
登淨土不進則還得此報

分

野狐

西云得分字者生野狐之兆也傳



灯錄云洪州百丈山懷海禪師每日上堂有一老人聽法  
隨衆散去一日不去師乃問立者何人老人云我於過去  
迦葉佛時曾住此山有學人問大修行人還落因果也無  
我答云不落因果墮在野狐身今請和尚代一傳語師云  
但問老人便問大修行人還落因果也無師云不昧因果  
老人於言下大悟告辭云我已覓野狐身住在山後乞依  
止僧燒送告衆燒送野狐以此論之古人於迦葉佛時起  
一念疑心五百生墮野狐身今之比丘之輩不信格外活  
路爭鼓疑念口皮野狐之穴遍滿大野佛法難思之事非  
諸凡而能知者自不通意起疑不信非但佛事不信亦

於世事不通可決之事起疑不決可疑而請問之事不問  
錯決後致大患或不親見事雖直語不信一切之事起疑不通  
野狐之穴遍滿法界且云如何是格外活路西云若是格  
外活路誦典不誦都無干攝莫向此求然若不起疑把土  
成金更進一步生淨土

付

羽族

西云得付字者生羽族之兆也

楞嚴經云情多想小流入橫生重為毛群輕為羽族又云  
由此世界冤害輪迴殺顛倒故和合恠成八萬四千食父  
母想如是故有土鳥等附塊為兒及破鏡為以毒樹果抱  
為其子子成父母皆遭其食又信相菩薩白佛言復有報



生在火城中不能得出何罪所致佛言以前世時火蛇雞子  
又白佛言復有衆生五根不足何罪所致佛言前世時飛  
鷹走狗彈射鳥獸或破其頭或斷其足生感其翼使受苦  
痛故獲斯罪又經言喜殺羽族者後生羽族更相噉食昆  
云沙門不行此業何故得此報西云若人借僧形不信佛  
法與俗人開毀佛法之口死入地獄後得長嘴鳥報或有  
人信重俗書苦吟毀正性後得怪鳥報或有人放火燒野  
死入地獄後生野雞卵中被火燒更加精進生淨土不精  
進則仍得此報

誦

蛇類

西云得誦字者注蛇類之兆也

華嚴經云起一嗔恚心一切惡中無過此惡又經云為人含  
毒從地中來又經云一起嗔心即受蛇身而況從朝至暮  
起嗔心乃至終身起嗔心者乎且云誰見此報西云古人  
云彼以毒來我以慈受此一念慈忍之心能使毒心成菩  
提果更進則轉生善道不進則退無骨虫

持

無骨虫

西云得持字者生無骨虫之兆

也懺法云王舍城中東南有一池水屎尿污穢盡入其中  
臭不可近有一大虫生此水中身長數丈無有手足宛轉  
佞仰佛說重因果告大眾此虫前世時作寺主受五百商  
人施珠不供眾自用故受此虫身又經云若比丘薦亡魂



之時受他信施飲酒則施主亡魂比丘三人俱墮地獄行  
欲亦然罪畢之後行飲飲酒之報化為無骨虫身流淫液  
又經云寧施飢畜不供養惡人施飢畜則得福供養此人  
亡魂與施主俱入地獄且云我國本制喪衣生子則其子  
不通社路者依此經文制定也不禁飲酒故齋會之時盛  
行飲酒之法如何救之西云若人薦亡之時要行此法者  
先受五戒令眾清淨然後行之且云為亡者如何知杜西  
云若亡魂不蒙佛法力則會中無一人生上品三位中以  
此試除其中有一不清淨者如是功德他不成就若薦亡之時  
切忌飲酒而況行淫若人得此者懺悔已前所作之業則

轉生國王之位不進則仍在此位

者

餓鬼

西云得者字者生餓鬼之兆也楊

巖經云貪傲為罪是人罪畢遇物成形名為餓鬼若於本

因貪物為罪是人罪畢遇物成形名為怪鬼貪色為罪是

人罪畢遇風成形名為魃鬼貪憊為罪是人罪畢遇人成

形名為傳送鬼為工云貪傲貪物貪色貪憊為罪則三界之內

皆成鬼蜜如何免之為工西云餓鬼之報皆因念起若一心清

淨則餓鬼即法王之子更進則生淨土不進則退地獄中

無

地獄

西云得無字者入地獄之應也教

化地獄經云三千大千世界鉄圍兩山之間謂之地獄鉄



城縱廣一千六百萬里城中八萬四千萬下以鉄為地上  
以鉄為網火燒此城表裏洞赤上火徹下下火徹上名為  
地獄五云入處者何罪所致五云三十六地獄雖說沙門  
所作之事然一切衆生所作惡業不可一二事說也五當行  
者問已前所作之業令其懺悔更進則得下品下生不進  
則仍在此報五

南

阿鼻地獄

五西云得南字者入阿鼻地獄之

應也地獄經云佛告阿難云何名阿鼻地獄阿者言無五鼻  
者言極又阿者言無間鼻者言無動又阿者言大焰鼻者  
言極熱猛火入心名阿鼻地獄縱廣三千二萬里七重鉄

城七重鉄網於其四角有四大銅狗其身長大萬六千里  
城中苦事八萬億千苦中苦者集在此城云作何罪業  
入此地獄西云此處多為謗法之人說之犯五逆之罪者  
入此地獄然所作因緣不可一二之事說也當行者推一  
生所作業因令其懺悔今生不犯重罪者當知前世惡報未  
消云云一日誦呪之功能免五逆之罪否西云若言不免  
佛法無靈驗矣更加精進則生上品三位不進則仍得此報  
不決

空念

西云善人擲柱將決之時若二

柱若三柱或背或向或背向交成三度不決謂之空行念  
者不得生處無位次故從末隨衆則不入報數也懺法云



未見一法從懶惰懈怠中生無有一法從嬌慢自怒中得  
從朝至暮無有片心念三宝無有片心報父母恩無有片  
心報師長恩無有片心布施持戒忍辱精進無有片心守  
禪定以此論之得空念者可憐愼者也且云以無心三昧  
誦之者得不決與空念者如何辨之西云難以辨之莫論  
賢愚皆點門外者他後番行李若是有眼之人現自在  
力然則此法如明鏡當臺一切善惡得失一一辨之  
生擒龍虎則一世英雄披露肝腸破打狐狸則四海妖邪  
滅除蹤迹刮垢磨光然後拈美搭外家風故先德云靜  
舉祖師禪兩省諸佛教餘力念弥陀求生於淨土此語

謂之大懺持門今時人各封己解以大凌小以小謗大未知  
廓通一竅云用此法救苦病之人延命否云西云莫過於  
此先行此法定之之後念觀世音菩薩及大勢至則速有  
靈應若執之病行處一行此法則諸神歡喜皆生淨土病  
則除愈一切厄難之事皆以此法救之一切所願無不成  
就云若人得一二佛字種其正因之後隔日又行此  
法還得一二佛字云西云若專念誦之不闕日時則还得  
一二佛字若改心放逸則得惡趣經言當勤精進正念之  
時開初因蓮花後失正念則蓮花凋折今日不難道場試  
驗事若人得一二佛之後失念擲柱則得惡趣而况隔



日月乎一切善惡隨念起滅若不信小乘法中戒行清淨  
是佛本德者行此法知之諸姓之中得畜生若不信大乘  
法中即凡成佛之義者行此法知之得南字者回心精進  
則現一佛字若不信禪法之中別傳之機不揀迷悟之義  
者行此法知之已前修行若德或落業因佛法無心狂漢若  
勇猛直進則忽得二佛字使此人衆話頭被僧一喝則直  
踏佛祖頂上若不信謗佛密傳正法之人現得癩病者行  
此法知之諸姓之中得癩病業若不信不忠於君害民謀  
生是地獄業者行此法知之諸姓之中得害民業此法非  
但出世亦能理世若世惡則不與惡人知之擇勸善人閉

門密行云弟子狂言惡口無一道行誰信我語此報盡  
後原生佛祖正法之中大小乘法平等而行不生彼我之  
念常聞讚歎佛法之聲不聞毀佛法之言其時奉行此事  
願和尚為我師來助我願輪今生則惡僧欺之自他無利  
西云無種不生苗汝撰集此文受過七四人骨印信世流  
行出云四人在何處西云在石室出云弟子未曉此語乞  
師開說西云汝自參詳此法盛行於世則多長壽者多富  
貴者多忠良者多見性者十方大力善神都會其國盡  
擁護此法令修心之人得正路或定力止成天報之人行  
此法則自然成出世正定又學外道之定者行此法則邪定



自然成正定又得小乘者行此法則自然成就大乘之定  
多散亂心者行此法則得定心三昧此法具足萬德萬行  
故也若人入道之時又有得處自未知邪正者當於此法  
辨之得邪定者不生信心薄福故也以此自知己過若得  
通方正眼者見此法感淚奉行以此自知己德合於佛境  
空中常聞異香今之修心之輩輒得虛用之境境中或現  
奇異之事大叫云我已見性圖人讚歎楞嚴經云又以此  
心澄露皎徹內光發明十方徧作閻浮檀色一切種類化  
為如來于時忽見毘盧遮那距天光臺千佛圍繞百億國  
土及與蓮花俱時出現此名心現靈悟所染心光研明照

諸世界輒得如是非為聖訂若作聖解則受群邪又佛告  
阿難如是十種禪那現境皆是色陰用心交玄故現斯事  
衆生顛迷不由寸量達此因緣迷不自識謂言登聖大妄  
語成墮無間獄汝等當依如來滅後於末法中宣示斯義  
無令天魔得其方便保持覆護成無上道以此論之不被  
魔惑難矣見天光臺或入地獄今之人夢不見天光臺輒  
得安心處便言誦經念佛求生淨土門外之事只知其一  
不知其二如是之輩聞此現行訣塞心落膽縮頭而去此  
非或落葉因恐滅見道之價此法付囑平常無道價眾行  
之如上高人非但不行亦謀毀此法謂言兒戲被天龍罰



現世見敗此法行時頗多奇異之事莫向不行之人說之  
行之者信之不行者欺之思云第一番誦一萬遍則人多  
疲困減數而行如何西云隨時之宜行之然則至誠之氣  
盡而即行減半行之淨土人不多出至第三番各設誓願  
轉化他人必以此之願精進則人多出之或至第四番順化  
群生諸趣人多則加一番行之然則至五番順化亦可  
思云若加一番則念呪遍數如何西云第三番之數以轉  
化無窮為願行之思云和尚住何處西云我無住處曉鍾  
已鳴吾將去矣思云開目見之西云公已去矣思云  
現行西方經終





